

Languages H H Arabs Islam Languages

قالت محاورتي: الكنعاني لهجة ومش لغة لان الكنعانيين عرب فلغتهم عربية ولكن هناك لديهم لغة محكية اسمها بالاجنبي slang، واللبناني دائما من اهم الادباء والمعلمين للغة العربية. ركز بالسياسة واترك اللغة لاهلها.

قلت:

العلم ما يببمشي حسب الايديولوجيات. العروبة بالايديولوجيا عمرا مية سنة بس، وهي صنعية المسيحيين لسحب الاسلام نحو العلمانية، وفشلت. العروبة بالعلم هي ثقافة بدو سوريا والسعودية. و"العروبة العلمية" ولغت ايجت ٢٥٠٠ سنة بعد الكنعانيين ولغتن (٩٠٠ ق.م.). والعربي طلع من الكنعاني بوقتنا. والفصحى والحرف العربي نوجدو ب ٤٠٠ ميلادي. الحرف الكنعاني من ١٨٠٠ ق.م. واللغة الكنعانية من ٥٠٠٠ ق.م.. الخلاصة انو ما كان في عروبة بالجزيرة بوقتها تيكونو الكنعانيين "عرب". راجعي العلم الجيني وندوات كمال جنبلاط وتاريخ التنوحيين.

بالتالي انت اللغة العربية منا تاريخك، انت بتستعمليا كفصحى من ١٠٠ سنة بجبل لبنان، ومن ١٣٠٠ سنة ب باقي لبنان، لانو لغتك الكنعانية الفصحى اختفت لحظة الفتح الاسلامي واستبدلت بالعربي برات جبل لبنان. اما بجبل لبنان، فاستبدلت صوب سنة ١٢٥٠ نهائياً بالسريانة بسبب الدين، وبسنة ١٩٠٠ استبدل السرياني بالعربي.

اما المحكية اللبنانية، فهي بعدا الكنعانية يلي طبعاً تطورت عبر الزمن مثل ما انت ما فيكي تفهمي شايكسبير منيح ولو بتعرفي انكليزي. هيدا الشي وفق معاهد اللغات بالعالم بجديد من سنة ٢٠٠٢ وجايي. كل شي بببشبه العربي الفصحى تقريباً هو كنعاني قديم او اجدد. الاعداد احرف الجر اسماء الاشارة اسماء العلم، حتى كثير من الأسماء المسلمة، تحديداً الحجازية، ومنها اسم "محمد" و"علي".... و ٩٠٪ من المفردات.

للاسف السياسة كانت اقوى وألبت الموضوع لغايات انصهارية. اما القرآن فبيعتبر انو العربي لغة الله ولغة اهل الجنة. ما في مانع نتعلم عربي لتتواصل مع المحيط ولغة كثير مرتبة بقوانينا بس هي شي واعتبارا لغتنا التاريخية وانو نحن عرب شي ثاني. اكثر من هيك ما فيي اكتب هون...

ردت محاورتي:

ليس كل العرب بدو هناك عرب حضر وعرب بدو وبالتاريخ الاسلامي المسيحيين كما اليهود كانوا موجودين بالجزيرة او اقله بالحجاز (ورقة بن نوفل ابن عم السيدة خديجة زوجة الرسول والراهب بحيرة).

تاريخ منطقتنا فيه الكثير والكثير بين المزور والمخبأ والمغضوض عنه البصر انا معك بهل موضوع فيه بالمية.

المهم نحنا كلنا مؤمنين ومنخاف ربنا لمين ما كنا منصلي. المثل بقول يلي بخاف ربه ما تخاف منه. لبنان وخلصه ما بصير الا اذا تكاتفنا عن جد وخفنا على بعض عن جد وبنية طيبة نحنا لنا على المشترك بيناتنا وهو لبنان وخصوصية الشخص هو شأن خاص وحرية شخصية.

وشكرا على المشاركة 🙏

رديت:

ولو

انا مبسوط

بغض النظر دقة المعلومات او عدمها، انت حدا مبين مثقف وعم يقرأ ويجرب يفهم القصص.

لهيك ح اسمح لحالي خبرك:

المشكل كان باعتماد تسمية "شبه الجزيرة العربية" (Arabia) من قبل الرومان.

اولاً ولو انت ما اا فهمتيني غلط، انا بدى قول انو لمن قول "بدو"، ما قصدي ابدن شي عاطل، والبدو الن كل احترامى. وكل الشعوب يلى بلشت تستقر، واولن الكنعانيين بالعالم (اقدم مدن بالعالم اى بيوت من حجر هنى جيبيل واريحا) والسومريين والمصريين، كانوا بدو.

(٢) الناس الوحيدين يلى ما كانوا استقروا بعد عام ٩٠٠ ق.م. كانوا البدو يلى بقلب الصحراء، وسماهم الاشوريون "عرب" اى "غرب" (غرب الفرات). وضمت التسمية لاحقاً بدو شبه الجزيرة، اى سكان الصحرا فى قلبها، ولكن حتى دون المدن القليلة الرئيسية التى كانت معبر من الحجاز الى الخليج (راجعى المعجم الأو غارىتى وياقوت الحموي وفيليب حتى).

(٣) الحجاز وحضر ما كانوا عرب، ولغاتن حتى وفق المراجع القديمة هى لغات مستقلة عن العربى (فى الحجاز: الثمودية، الديدانية، التيمانية/ فى اليمن وحضر: السبئية، المعينية، الحميرية، القتبانية والحضرية/ فى شرق - جنوب الاردن: الصفوية). والحجاز بعدان من سنة ٥٠٠ ق.م. صار يحكى كنعانى وبعده لليوم. الحجازيين ما بييفهمو منيح ع المحكية بالرياض. بييفهمو ع "بلاد الشام" اكثر! انت هونيك: أسألين! انا أخذ هل معطيات من سعوديين من جدة!

حتى نقوش حضر تقول ان لا عربيت (عرب بلغة حمير) عندهم. اكيد انا هون عم اختصر البراهين!

اما القرآن، وكون فقه الاسلام يفسر العربية وفق ما يراد له ان يقصد وليس العربية تفسر ما المقصود فى القرآن، فاراد التمييز فقال بأن العرب هنى البدو يلى رجعوا مع الوقت استقروا بالجزيرة والأعراب هنى يلى بعدن بدو وهنى "جنس عاطل" وبيحكى عنن بالعاطل (فيكى تشوفى الآيات عل نت). لكن العلم بقول مثل ما قللتك، وعرب وأعراب هى ذاتها بالعربية خارج اجتهاد الفقه الاسلامى. ويبقى المقصود بالقرآن، بالنسبة للعلم، موضوع اجتهاد. وبيعتبر العلم انو البدو يلى استقروا ضهروا من "العروبة العلمية" نحو ثقافة عربية - كنعانية (بسموها آرامية)، وهنى التتوخييين والأنباط.

وبالتالى اليهود بالحجاز وغيرو ما كانوا عرب، هنى اصلاً شعب لحالو، العبرانى، من عبرانيين المهجر، اى خارج "اسرائيل". ومسيحيي الحجاز ما كانوا عرب مثل ما قللتك، ولا الوثنيين: كانوا من هل شعوب الصغيرة يلى ذكرنا لغاتن فوق، وبعدان صاروا ضمن الانباط، ت اجا الاسلام. صح كان فى كثير من العرب (اى بدو الصحرا) مسيحيين، وابرزن التتوخييين، وعملو الفصحى تبع اللغة العربية سنة ٤٠٠ ميلادى مع الابجدية. بس ما بقى ولا قبيلة عربية مسيحية (كلن اسلموا). ورقة بن نوفل وبحيرة وخديجة ومحمد كانوا من النصارى (النصارى مش يعنى مسيحيى وهى قصة تانية واللغظ اجا بعد الاسلام) وتحديداً من فئة معينة اسما الصابئة (وفق المراجع الاسلامية حتى).

اخبراً آخر مقطع هو الاله: قلتي كلمة سامية جداً: من خاف ربنا وبدنا تكاتف وحب ومسامحة ونية طيبة وما حدا يدين حدا ونشوف شو بدنا نعمل بلبنان!

بس نقطة بتفوتك ومن هون دعوتنا للفدرالية: المسيحية دين. دخلت الى الكنعانيين والفرنسيين والنيجيريين وبعض الصينيين ولم تدخل اماكن اخرى، لكن المغزى انها تدخل الى الشعوب او لا تدخلها. قد تعدّل بثقافتها وهيدا شي من أخطاء الكنيسة، لكن لا تغيّر ها الى شيء "مسيحي صافي" ولا تصهرها.

الاسلام دين ودنيا ودولة (وان الأخيرة ليست مطبقة اليوم بانتفاء الخلافة). ودنيا يعني شريعة اي نظام للحياة اليومية وتفاصيلها، بغض النظر عن مدى الالتزام، لكن للمسلمين عموماً رؤى (جمع رؤيا) مختلفة تجمعهم حول العالم: مشان هيك في الامة الاسلامية، والمسلم في موريتانيا اخ المسلم في الاندونيسا، كمان بغض النظر عن خلافات بين بعض والفروقات بالثقافات الناتج عن الارث ما قبل الاسلام (مثلاً البربر بالجزاير عندن اشيا غير الفرس او الاكراد).

اذن نحنا شعبين بلبنان من الناحية العلمية الاجتماعية، بغض النظر عن الجينات والمنشأ. بلبنان والشرق هالشعوب اسمن "طوايف" بسبب طغيان العامل الديني. والاعتراف بالآخر وحبه كما هو وقبوله الى الجنب وعدم الرغبة بالاستيلاء على مناطقه او تهجيرها واكثر، الاتحاد معه ببلد، لا يُترجم في علم السياسة الا بنظام فدرالي.

ع كل حال انشالله كانت كتابتي مفهومي وما ضيّعتك! وعذراً اذا طوّلت....